

ZBOG ZASTOJA U NABAVCI HARTIJE IZLAZIĆE „BEOGRADSKA NOVINE“ — IZUZIMAJUĆI NE-DJELJNA IZDANJA — DO DALJE NAREDBE SAMO NA DVIJE STRANE.

## RATNI IZVJESTAJI

### Izveštaj austro-ugarskog glavnog stožera

Kb. Beč, 12. aprila. U planinama s obiju strana Brenne vladala je pojačana artiljerijska djelatnost.

Načelnik glavnog stožera.

### Izveštaj njemačkog vojnog vodjstva

Kb. Berlin, 12. aprila.

#### Zapadno bojište:

##### Armentieres je pao.

Obuhvaćena četama generala pl. Eberhardta i pl. Stettena i sa sjevera i sa juga, lišena svoje odstupnice, engleska posada ovoga grada, 50 časnika i više od 3000 vojnika, položila je oružje. S njima je palo u naše ruke 45 topova, mnogobrojne mašinske puške, velika količina municije, smjestašnice odijela i drugi bogat plijen. Sjeverozapadno od Armentieres-a zadobili smo prostora. Zapadno od Armentieres-a čete generala pl. Stettena i pl. Carlovliza, poslije suzbijenog protiv napada i poslije ogorčene borbe oko 4. engleskog položaja, bacile su neprijatelja u nazad. Merville je zauzet. Na južnoj obali rijeke Lyse izvojevale su čete generala pl. Bernhardta prelaz preko Lawe i prodrle su do visova Mervillesa.

Ukupni plijen u bitci kod Armentieres-a iznosi prema do sada utvrdjenome: 20.000 zarobljenika, — medju njima i engleski i portugalski general, — i više od 200 topova.

Savladavanje močvarnog granatama izrivenog zemljišta u i ispred našeg ishodnog položaja od 9. aprila stavilo je najveće zahtjeve na trupe svih vrsta oružja u prednjim linijama. Na tome su imali naročito udjela pioniri, vojnici za armiranje i pozadinske divizije.

Na bojnopolju, sa obadje strane Somme razvile su se žestoke artiljerijske borbe. Francuski pukovi, koji su jurili sa zapadne obale Avre zapadno od Moreulla, slomili su se pod najtežim gubicima i ostavili 300 zarobljenika u našim rukama, koje je kasnije uništila francuska artiljerijska paljba.

Sa ostalih bojišta nema ničeg novog.

Prvi zapovjednik glavnog stana pl. Ludendorff.

#### Njemački večernji izvještaj

Kb. Berlin, 12. aprila.

Wolffov ured javlja: Naše pobjedonosne čete dalje nastupaju kroz prostranu ravnicu Lyse između Armentieres-a i Merville.

### Odlučni dani u Francuskoj

#### Posljedice novog njemačkog prodora kod Armentieres-a.

(Naročiti brzojav „Beogradskih Novina“.)

Zeneva, 12. aprila.

List „La Fenille“ drži da je ratni položaj na zapadnom frontu opasan. Povlačenje kod Armentieres-a ugrožava Ypern. Ako Ypern padne, onda je cijeli front uzdraman, a Dünkirchen i Calais postaju opet aktuelni. Nije to ništa sporedna operacija, kako to Havasova agencija predstavlja, nego na veliko udešen napadaj. (Naročiti brzojav „Beogradskih Novina“.)

Budimpešta, 12. aprila.

Dopisnik „Az Est-a“ doznaje na nadežnom vojnom mjestu u Berlinu, da je potiskivanjem engleske pozicije između Armentieres-a i La Bassée engleski položaj postao izvanredno prekaran. Oni su sa obadje strane Somme morali koncentrisati velike pričuve, te su zato sada primorani, da iza probojnog fronta gurnu jake snage, kako bi izbjegli katastrofu. Idućih dana pokazalo se, da li se ima posla sa njemačkim stratejskim ili taktičkim manevrom.

# Nova pobjeda na zapadu: Zauzeti Armentieres i Merville. — Zadobijeno 20.000 zarobljenika i više od 200 topova.

## Produženo bombardovanje Parisa.

Kb. Paris, 12. aprila.

U četvrtak je produženo bombardovanje pariskih gradskih krajeva dalekosežnim topovima.

## Početak niza vojničkih iznenadjenja. — Broj zarobljenika od 21. marta prešao 100.000.

Köln, 12. aprila.

„Kölnische Zeitung“ donose izvještaj svoga dopisnika na frontu, prema kome novo njemačko nastupanje ugrožava liniju Bethune-Hezebrucke. Francuske pričuve će po svojoj vjerovatnosti vrlo kasno stići. Broj zarobljenika od 21. marta prešao je 100.000. U dobro obavještenim vojnim krugovima se tvrdi, da najnoviji njemački napad znači početak jednog niza vojničkih iznenadjenja, koja može donijeti bliska budućnost.

## Bonar Law o teškim engleskim gubicima i trajanju ratnih operacija.

Kb. London, 12. aprila.

U donjem domu je Bonar Law uzeo riječ i izjavio: Do sad smo mogli popuniti gubitke koje smo pretrpili na frontu. Ali su ti gubici bili daleko teži, nego što se predviđalo. Kritični period, koji sad doživljujemo, vjerovatno će se završiti u maju ili junu. Ove će ratne operacije trajati još najmanje osam mjeseci.

## Engleski listovi o njemačkim namjerama.

(Naročiti brzojav „Beogradskih Novina“.)

Rotterdam, 12. aprila.

Ratni dopisnici engleskih listova javljaju sa fronta, da bitka kod La Bassée znači novu silnu ofenzivu koja ima velike ciljeve, te je više nego samo demonstracija za uklanjanje engleskih pričuva na Sommi. Oni izvještavaju, da je njemačko vojno vodstvo očigledno odlučilo, da svu svoju silu bacit protiv Engleza, kako bi engleske trupe, što se nalaze u Francuskoj, razbilo. Ne izgleda — veli se dalje — da je njemačko vojno vodstvo raspoloženo na raškomadanje svojih snaga, nastupajući ofenzivno i protiv Francuza. Nijemci hoće da francuske pričuve samo vežu kako bi najveći dio svog ljudskog i topovskog materijala mogli baciti protiv engleskih linija i rasparsati engleski front.

## Američani u Gibraltaru.

(Naročiti brzojav „Beogradskih Novina“.)

Madrid, 12. aprila.

Iz Gibraltara stigli putnici izvještavaju, da je cijeli tamošnji garnizon poslat na zapadni front. Garnizonsku službu vrše sada u Gibraltaru američke čete.

## Clemenceau-ove intrige.

### Odgovor cara Wilhelma na brzojav Njegovog Veličanstva cara i kralja.

Kb. Beč, 12. aprila.

Njemački car uputio je Njegovom c. i k. apostolskom Veličanstvu ovakav telegram: Primi najsrdačniju zahvalnost na telegramu, kojim kao potpuno neosnovanu odbijaš primjedbu francuskog predsjednika ministarskog savjeta o Tvome držanju prema francuskim aspiracijama na Elzas-Lotaringiju i kojim ponovo naglasuješ solidarnost interesa, koja postoji između naših država. Hitam, da Ti kažem, da u tom pogledu u opšte nije bilo potrebno kakvih naročitih uvjeravanja sa Tvoje strane, jer ja ni časka nisam sumnjao o tome, da si Ti u istoj mjeri učinio našu stvar Svojom, kao što se opet mi zalažemo za prava Tvoje monarhije. Uspješne borbe u toku ovih godina jasno su to pokazale svakome, koji nije slijep ispred očiju. Još smo u veliko učvrstili postojeću vezu. Naši neprijatelji, koji nam ništa ne mogu nahuditi u poštenoj borbi, ne zadiru ni u najnepoštenijih i najnemoralnijih sredstava. S tom se činjenicom moramo pomiriti. Ali za to nam je u toliko više dužnost, da na svima bojištima napadnemo i potučemo neprijatelje. U vjernom prijateljstvu

Wilhelm I. R.

## Rat na moru.

### Engleski napad na Ostende i Zeebrugge. — Zaplijenjena jedna engleska torpednjača.

Kb. Berlin, 12. aprila.

Zvanično javljaju: Noću između 11. i 12. aprila produzele su engleske pomorske borbene snage, sastavljene iz motornih torpednjača i letilica, napad protiv flandrijske obale. Na Ostende je pucao teškim kalibrom, a letilice su bombama napadale Zeebrugge. Napad je bez teškoća odbijen našim baterijama. Nigdje nije učinjena vojnička šteta. Jedna je neprijateljska motorna torpednjača u blizini Ostende zapaljena i od posade napuštena, a zatim sa svom svojom opremom od naše strane zaplijenjena.

## Sudbina crnomorske flote

### Strah sporazumnih sila, da ona ne padne u ruke središnjim vlastima.

(Naročiti brzojav „Beogradskih Novina“.)

Rotterdam, 12. aprila.

Povodom približavanja Nijemaca, Austrijanaca i Magjara Sevastopolju pišu „Daily News“: Moguće je da će se cijeli položaj u Sredizemnom moru radikalno izmijeniti. Ako ruska crnomorska flota, koja se sastoji iz 8 raznih brodova, 25 razarača i 12 podmornica, padne u ruke Nijemcima, onda bi mogao istodobno dio Sredizemnog mora skoro veoma oživjeti. Engleska flota već se uvlači sprema za u mogućnost. I talijanska ratna mornarica, koja onda preuzima veliku ulogu, već je spremana.

## Podmornički rat NOVA POTAPLJANJA.

Kb. Berlin, 12. aprila.

Wolffov ured javlja: Jedna od naših podmornica, zapovjednik pomorski kapetan Georg, uništila je u Irskom moru i u zapadnom izlasku kanala 8 parnih brodova i dva jedrenjaka, ukupno 28.000 bruto tona. Medju potopljenim brodovima se nalazio vrlo dragocjen parni brod, novotrasni tipa od 5000 tona, dva teretna parna broda, svaki po 6000 tona. Jedan od tih parnih brodova od 6000 tona bio je neobično jako osiguran. Izbranjeno je oko 20 torpedskih brodova, motorskih brodića i stražarskih brodova. Vještim napadom su tri parna broda pogodjena u sred njihovih osigurane povrke. Svi parni brodovi su bili naružani i većina natovarena. Naročito je utvrđeno da su uništen engleski parni brodovi „Trinidad“ (2592 tone), „Lough Fisher“ (413 tona) i „Klenford“ (494 tone), kao i engleski jedrenjak „John G. Walter“.

Načelnik admiralskog stožera mornarice.

## Dogadjaji u Rusiji i Ukrajini

### Ukrajina vratila središnjim državama zaplijenjene brodove.

(Naročiti brzojav „Beogradskih Novina“.)

Berlin, 12. aprila.

Ukrajinska rada vratila je Njemačkoj i Austro-Ugarskoj sve trgovačke brodove, koji su od početka rata bili zaplijenjeni u Odesi i Nikolajevsku. Brodovi će se upotrijebiti za transport žita i ostalih životnih namirnica, koje Ukrajina prodaje središnjim vlastima.

### Potpisano utanačenje o nabavci životnih namirnica između Ukrajine i središnjih vlasti.

(Naročiti brzojav „Beogradskih Novina“.)

Stockholm, 12. aprila.

Javlja se iz Kijeva: Poslije dugih otežanih pregovora potpisali su u utorak utanačenje o nabavci 60 milijuna puda žita za hljeb i hranu, sočivice i plodove za proizvodnju ulja, ukrajinski, njemački i austro-ugarski delegati.

### Zajam središnjih vlasti Ukrajini.

(Naročiti brzojav „Beogradskih Novina“.)

Budimpešta, 11. aprila.

„Az Ujság“ doznaje s pouzdanosti strane, da će velike banke središnjih vlasti dati Ukrajini veći zajam. Odnosna svota izuklače se u rubljama, pošto Ukra-

ini nedostaju drukčija sredstva za plaćanje. U zajmu će sudjelovati njemačko, austro-ugarsko, a po mogućnosti i bugarske i turske banke. Radi se o iznosu od 50—60 milijuna rubalja.

### Engleski brodovi u Heisingforsu i dignuti u vazduh.

(Naročiti brzojav „Beogradskih Novina“.)

Helsingfors, 12. aprila.

Posada ovdšnjih engleskih brodova opirale su se sa istaknu trgovačku zastavu, te su brodove sa cijelim tovarom digle u vazduh.

### Englezi protiv japanskog iskrcavanja u Vladivostoku.

(Naročiti brzojav „Beogradskih Novina“.)

Rotterdam, 12. aprila.

U uvodnom članku „Manchester Guardian“a zastupa se brzo povlačenje odjeljenja, iskrcanih u Vladivostoku. List misli, da bi bilo pravičnije i opreznije, da se protestovalo kod vlade u Moskvi i u isti mah tražilo ovlašćenje za iskrcavanje trupa, dok ruska vlada ne uzmogne sama garantovati za život i imovinu.

## Dogadjaji u Engleskoj.

### Engleska vojna obaveza. — Burno sjednice donjega doma.

Kb. Rotterdam, 12. aprila.

„Nieuwe Courant“ javlja iz Londona, da je Asquith pri drugom čitanju zakona o vojnoj obvezi izjavio, da je 50. godina starosti suviše pretjerana, na što je Bonar Law izjavio, da će vlada nastati da se godine starosti spuste na 48. — Liberalna ratna stranka je riješila da potpomogne vladu, nacionaliste su ostale pri svojoj opoziciji, te je i jučeranja sjednica bila vrlo burna.

Kb. London, 12. aprila.

### Zakon o dužnosti vojne obveze primljen je protiv predloga o spuštanju godina starosti na 48, s 262 protiv 152 glasa.

Zakon protegut i na Irsku.

Kb. London, 12. aprila.

U toku debate u donjem domu o zakonu vojne obveze govorio je Asquith protiv uvlačenja Irsko u dužnost vojne obveze, jer to nije problematično. Bonar Law je izjavio, da je vlada takvu odluku o Irskoj donijela, pošto je prethodno uzela u očenu korist i šleše tog predloga, i ona svoje držanje ne će promijeniti. Pošto je s 321 protiv 106 glasova odbačen dodatak u smislu, da zakon smanjuje pomorsku i privrednu moć naroda, a da ne stvara odgovornu vojničku jačinu, primljen je zakonski predlog u drugom čitanju s 323 protiv 100 glasova.

### Borba protiv vojne obaveze u Engleskoj.

(Naročiti brzojav „Beogradskih Novina“.)

Rotterdam, 12. aprila.

Kako „Nieuwe Courant“ donosi saznanje „Daily Telegraph“: U skupštini parlamentarne grupe i izvršnog odbora radničke stranke, kao i konferenciji radničkog udruženja, riješeno je u sjednici, koja je trajala više od pet sati, da članovi radničke stranke zauzmu prema zakonu u vojnoj obvezi naročito gledište. Thomas je izjavio, da će glasati protiv drugog čitanja zakonskog predloga. Većina stranke će potpomoci drugo čitanje, ali će se vjerovatno izvjestan broj uzdržati od glasanja.

### Irci protiv uvođenja vojne obaveze.

(Naročiti brzojav „Beogradskih Novina“.)

Rotterdam, 12. aprila.

Irci dopisnik „Daily News“a javlja iz Dublina, da se javne korporacije u cijeloj zemlji opiru uvođenju opšte vojne obaveze u Irskoj.

### Njemački sud o engleskoj vojnoj obavezi. — Ona dolazi prekasno.

Kb. Berlin, 12. aprila.

Wolffov ured bavi se iscrpno novim engleskim zakonom o vojnoj obavezi i dolazi do zaključka, da mjere predviđene tim zakonom vrlo kasno dolaze. Njih je trebalo još prošle jeseni ostvariti.

## Novo povlašćivanje engleskih poreza (Naročiti brzojav „Beogradskih Novina“.)

Rotterdam, 12. aprila.

„Daily Mail“ javlja, da će Bonar Law tražiti veliko povlašćivanje engleskih poreza kod novog državnog galdinstva. Dobitak na porezu računa se, da bi mogao biti do 1000 milijuna funata.

## Razne brzojavne vijesti.

### Njemačka štampa o posljednjem govoru Lloyda Georgea.

Kb. Berlin, 12. aprila.

„Tägliche Rundschau“ piše: Govor Lloyda Georgea osvjetljava veliku zabudu Greya, kad je pri stupanju Engleske u rat izjavio, da će Engleska učešćem u ratu mnogo manje pretupiti, nego li kad bi ostala prost posmatralac. Svaki stav kazuje, pod kakvim se užišnim utiscima nalazi Lloyd George zbog događaja na borbenom frontu u Francuskoj.

## Grad i okolica

### Priznanice za pomoć

Priznanice za pomoć za mjesec april izdane su do broja 4600 i mogu se odmah danas i dobiti u uredima okružnog zapovjedništva Beograd-grad u ulici Crkvenoj (prije Bosanskoj, nekadašnja zgrada državnog računovodstva) u sobi broj 20, od 8 do 10 sati prije podne. — Istoga dana, odmah po prijemu priznanice prije podne blagajna c. i k. okružnog zapovjedništva Beograd-grad, koja se nalazi u istoj zgradi, soba broj 18, isplaćuje i pomoć. — Kako prilikom prijema priznanice, tako i same pomoći potrebno je imati uza se redarstvenu legitimaciju radni ustanovljenja indentičnosti.

### „Djačke vragolije“

Dobrotvorna diletantska predstava „Djačke vragolije“ u korist beogradskih siromašnih učenika viših razreda gimnazije i trgov. Akademije, održaće se prvi put u Beogradu danas u subotu u 3 sati uveče, u prostranoj pozorišnoj dvorani „Kasine“ na Terazijama. — Ko još nije dobio ulaznice za ovu vrlo duhovitu komediju iz djačkog života, može se njima još blagovremeno snabdjeti u knjižarama Cvijanović, „Jugo-Istok“ i „Napredak“. U slučaju da koja karta eventualno bude zaostala, prodavaće se na večernjoj pozorišnoj blagajni od 7—8 sati uveče.

### Uloge su podijeljene ovako:

Agaton Karamilović, bogati trgovac iz unutrašnjosti, gosp. S. Todorović. Velimir, sinovac njegov, student prava, gosp. B. Kitanović. Božidar, student medic., g. A. Ristić. Čedomir, student medic., g. G. Savić. Nikola, student tehn. g. M. Radojčić. Isidor, student pharmac., g. A. Laković. Marko, student techn., g. N. Dimović. Julka, Velimirova zaručnica, kći gazdarice od kuće, gđica M. Bošnjaković. I. muzikant, gosp. M. Ilčić. Amalin, „„

### Dogadjaji se u Beogradu.

Hor: muški i mješoviti. Uvertiru i izmđu činova izvodiće c. i k. vojna garnizonska glazba pod upravom g. Piro-a.

### „Koštana“

Četvrta predstava „Koštana“ izvodi se sutra u nedjelju, dne 14. o. m., tačno u 8 sati uveče, u istoj dvorani („Kasine“) na Terazijama.

### Iznošenje stolova pred hotele i kafano.

Pozivaju se sva ona lica: kafedžije, hotelijeri, restorateri i t. d., koji žele stolove da iznesu ispred svoje radnje (hotela, kafane i t. d.), da prethodno polože blagajni opštine grada u Kralja Aleksandra ulici broj 7, taksu za zauzeće trotoara. Ko bi se uhvatio da stolove iznosi prije nego što je položio taksu, kazniće se plaćanjem trogubne godišnje takse.

### Traži se.

Porodica Dragoljuba Tomića, stolara iz Beograda, treba da se javi središnjem odboru za pomoć, u Knez Mihajlovoj ulici broj 23, u dvoristi, radi prijema novčane pošiljke. Pri prijavi treba podnijeti i potrebne dokaze o srodstvu.

### Taksa za dostavu opštinskih poziva.

Prema naredbi c. i k. sreskog zapovjedništva građanska lica imaju od sada za dostavljene im pozive od strane opštine grada Beograda da polože

pozivaru deset (10) helera od poziva, ako ne stanuju dalje od tri (3) kilometra od opštinske uprave; a dvadeset (20) helera, ako stanuju dalje od tri kilometra.

iz tramvajskog ureda za nadjene stvari.

Na tramvaju su nadjene ove stvari, koje sopstvenici mogu dobiti na blagajni c. i k. električne fabrike: 1 ženski muš, 1 pokrivač, 3 ženske ručne torbice i 3 novčanika; jedan sa K 28.50, drugi sa K 10.82 i treći sa 2 ključa, kao sadržinom.

Javna prodaja.

Po odluci starateljskog suda izložbe se javnoj prodaji zaostavština poč. Rake Milošević, na dan 29. aprila ove godine u njenom stanu u ulici Despota Gjurja broj 14. Prodaja će početi u 9 sati prije podne, na koju se pozivaju kupci.

Istorijski kalendar

Na današnji dan, 13. aprila 1698. godine izdao je francuski kralj Henrik IV. čuveni nantski edikt, kojim je protestantima priznao potpunu slobodu vjeroispovijesti. Kao što smo već u više mjesta na ovom mjestu rekli, taj je edikt nakon kralja Louis XIV. 22. oktobra 1685. godine, poslji je čega su se mnogi francuski protestanti iselili u Njemačku. — 18. aprila 1695. godine umro je u Parizu čuveni francuski pjesnik, naročito slavan po svojim basnama, Jean de Lafontaine. Lafontaine je rođen 8. jula 1621. godine u Chateau-Thierry-u u Champagne-i. Do 20. se godine vrlo slabo školo-

lovaio, pa je poslji u Reimsu počeo učiti teologiju, a bi uskoro i to napustio i opet se odao burnom i lakomislenom životu. Ljubav prema pjesništvu prohodilo je u njemu čitanje Malesherbesovih pjesama. Sada se on maštivo dade na čitanje tadanjih francuskih i talijanskih, a zatim i klasičnih pisaca. Da bi ga privikao na uredniji život, otac ga je oženio i našao mu je neku sluzbu, ali Lafontaine uskoro ostavi i porodicu i kćer i ode u Paris, gdje je svojim književnim radom uskoro stekao simpatije krupnih plemića i moćnih državnih velikodostojnika, kao što su bili princevi Condé i Conti, ministar Fouquet i drugi. Oni su ga uzdržavali i starali se o njemu kao o kakvom djetetu, jer je Lafontaine cijeloga života do krajnosti bio lakomislen i neozbiljan. Pored njegovih čuvenih basni („Fables“) u slobodnom stilu (12 knjiga) napisao je još i zbirku „Contes et nouvelles“ (5 knjiga), 11 drama i drugo. — 13. aprila 1849. zauzeli su saksoski i bavorski odredi u toku prvoga rata između njemačkog saveza i Danske čuvena Düppelska utvrđenja. Mnogo krvavije i zamašnije po broju angažovanih snaga bilo je drugo zauzeće düppelskih utvrđenja u toku drugoga rata između Austrije i Pruske s jedne i Danske s druge strane, čija je godišnjica kroz koji dan — 18. aprila.

Književni prijedlog

„Ženski svijet“. Primili smo aprilski broj „Ženskoga svijeta“, mjesečnika za kulturne, socijalne i političke interese žena, što ga iz-

đaje i uređuju Zorka Kveder-Demetrović, a ovim saradnjem: Zorka Kveder: Djeca naroda. — I. R. Gazvoda: Aljeluj! — Dr. Živko Topalović: čene, radite za mir! — Ivan Krnić: Lepeza. — Vera Nažinić: Kako treba da radi seoska učiteljica. — Maksim Dvorski: Pred bitkom. — Ksaver Meško: „Iz zapiskov“. — Dar. M. Odovičeva: Ekstaza. — Irma Lederer: Aforizmi. — Antun Cettineo: Na obali morskog. — Lena Ujčić: Naš pravi put. — Božo Lovrić: Majka podno križa. — Danko Lugavoj: Hrvatski ratnici i žene. — Bosa Milenković: Moje pesme. — Katica Kačić: Narodna nošnja i običaji u Kataru glamočkom. — Ksaver Meško: Drobne pesmi. — Stj. Roca: Rad naše žene u Splitu. — Miroslav Krleža: Pjesma. — Ave S. Vjerska: Nakon 15 godina. — Katarina Bogdanović: Život u hartijama. — Marija H. Oratnova: Ratne rane. — Josip Milaković: Jasen. — S. Sirišević: Nedostaci duševnog razvoja u naših žena. — Mario Rieger Vinodolski: Brihrika. — Zorka Sime Lazića: Mali rad velikih dana. — Z. K.: Uzgojno misli F. Dostojevskoga. — Ivan Franić Požežanin: Smrt ratnika. — Socijalna pitanja: Feministički pokret i nacionalno pitanje u Austro-Ugarskoj (Dr. Julka Chlapčević/Gjorgjević; Zumberčanka — robinjica (B. J. Krnić); Nešto o kaznom pravu i ženama (T. M.). — Prosvjeta: Školske prilike našeg ženskog narastaja. — Naša pisma. — Lisnice uredništva. Godišnja pretplata „Ženskoga svijeta“ iznosi kruna 20; pojedini broj K 2. — Narodžbe šalju se na urednicu u Zagrebu, Pantovčak 1-b.

Zvanične objave.

OBJAVA o uvodjenju ljetnjeg vremena za godinu 1918.

Na osnovu Najvišom Vrhovnom Zapovješću datog mi ovlaštenja Njegova c. i k. Apostolskog Veličanstva za oblasti se Srbije, koje se nalaze pod austro-ugarskom vojnom upravom, naredjuje:

§ 1. Za vrijeme od ponedjeljka 16. aprila 1918., do ponedjeljka 16. septembra 1918., premještanjem vremena za jedan sat uvodi se ljetnje vrijeme.

Prema tome će se časovnik 15. aprila 1918., u 2 sata u jutru, prema dosadanjem računanjju vremena, namjestiti za jedan sat unaprijed, a 16. septembra 1918., u tri sata u jutru vратиće se za jedan sat nazad, prema naročitom računanjju vremena (ljetnje vrijeme), koje je o ovom naredbom utvrđeno.

U jutru 16. septembra 1918. dobiće prvi sat od 2—3 sata dodatak A, a drugi sat od 2—3 sata dodatak B.

§ 2. Ova naredba stupa na snagu onog dana, kad bude objavljena.

OBJAVA.

U vezi s naredbom c. i k. okružnog zapovjedništva Beograd, V. A. br. 466/18., glede popisa svih objekata, koji podleže plaćanju poreza, izvještavaju se poreski obveznici grada Beograda da će se popis niže navedenih ulica slijedećih dana obaviti:

10., 11., 12. i 18. aprila: Kralj Milutinova.

11., 12. i 18. aprila: Pivarska, Trn, Kapetan Mišina. 11., 12., 13., 15. i 16. aprila: Saborna, Zorina. 12., 13., 15. i 16. aprila: Topčiderska, Prote mateje, Strahinjića Bana, Hadži Mustafina, Hadži Mustafina produženje i Sokače. 12. aprila: Vladetina, Grčić Milenko, Senjska, Cuburska, Sibirjanin Janka, Mlatišumina, Javorska, Senjanin Ive, Herceg Stevana, Majdanska, Senjačka. 13. i 15. aprila: Uska. 13., 15., 16. i 17. aprila: Resavska, Poslanička, Kraljice Natalije. 15. aprila: Gornjo Palilulska, Kraljinska, Kruševačka, Bojanova, Vinograđska, Čika Pavlova, Čučuk Stanina. 15. i 16. aprila: Zlatiborska, Skopljanska, Jug Bogdanova, Skenderbegova, Budimska, Dobračina. Red popisivanja ostalih ulica biće blagovremeno objavljen. Svakom poreskom obvezniku, stavlja se u dužnost da na dan popisa svoje ulice bude u svome stanu, ili da tamo svog zastupnika ostavi koji bi mogao sve potrebne podatke popisnim organima dati. C. i k. okružno zapovjedništvo Beograd.

OBJAVA.

Cijena za vožnju na VI. pruzi traživa-ja za direktne karte, kao i za prelazne, koje vrijede do krajnje stanice u Topčideru, povisiju se od 15. aprila 1918. god. za građansko stanovništvo od 40 na 60 filira.

MALI OGLASI Imaju se: Knez Mihailo ul. 38.

Udžbenike za Ruski jezik. Petrović, Ruska gramatika sa ključem (člilicom) 750. Andjelković, Rusko-srpski rječnik 1500. Fuhs, Russische Erläuterung 750. Gaspary, Russische Konversations-Grammatik 1600. Langenscheidt, Russisch-Deutsches u Deutsch-Russisches Wörterbuch, III 1600. Neufeld, Russisch-Deutsches Gesprächsbuch 350. I drugi udžbenici za ruski i druge jezike mogu se dobiti u Knjižari „Napredak“ Beograd, Knez Mihailova 9. Is unutrašnjosti poštarnica K 1-69 1118-V

Lifepo očuvana garnitura i ostale domaće stvari, prodaju se odmah. Avalunova ulica 6. 26289. ko želi prodati bisera, nakita, pirotskih čilimova, porcelana i ostalih lijepih stvari, neka se obrati svakoga dana od 10—12 do podne i od 2—3 po podne kod g-dje pu-kovnika Cincar-Markovića, Studenička 81. 36319-2. Prodaje se jedan pirotski čilim. Beograd-ska ul. 39. 36314-2.



DIPLOMIрани DENTIST Beograd, Kralj Milana ul. 57. Špeciјalista za vještacke zube u zlatu i kaučuku po najboljoj američkој metodi. Izrada solidna. Materijal najbolje kakvoće. Prima od 8—12 i 2—6 sati po podne. 1045. Kupovine i prodaje. Kosu. Kupujem svaku najmanju i najveću količinu ženske kose i plaćam po dnevnoj cjeni. Ponude V. Popović, frizer, Sabac. A 3025-2.

Namještenja. Berberskog pomoćnika dobrog radnika, tražim. — Plata kao i sporedna zarada visoka. Stupiti može odmah. V. Popović frizer, Sabac. A-3025-3. Kuharicu ili djevojku za sve kućevne poslove traži mala porodica. Plata dobra. Topličin Venac 7, lijevo, I. sprat. 36273-3. Poslastičarski pomoćnik može odmah dobiti službu. Mjesečna plaća 300 do 400 kruna a u slučaju, da je u poslu stručnjak dobije i više. Poslastičarica Eugen Schauer, Kralja Milana ulica 37. 36272-3. Tražim mjesto za domaćin, u manjoj porodici ili kod samca s djecom, ali isključivo u unutrašnjosti. Javiti se u administraciji pod znakom „Starja žena 888.“ 36195-3.

Služavku traži porodica od 2 člana. Stan, hrana i plata prema sposobnosti. Upitati u administraciji lista pod znakom „Vredna 883.“ 36275-3. Traži se žena za sav kućevni posao sem kuhanja. Plata 30—50 kruna mjesečno. — Kralja Aleksandra ul. br. 152 (Fabrika šešira). 36297.

Stanovi. Tražim jedaju sobu sa modernim hrastovim namještajem. Ponude slati administraciji lista pod znakom „Jedaća soba 889.“ 36303-4.

Udoban stan sa 3 sobe, kuhinja, pred-sobnje i špajz, električno osvijetljenje. Izdaje se u Dan-ničića ulici 11, do Hilen-darske ulice. 36277-4.

Traži se stan sa 2—3 sobe, pred-sobnjem i ostalim udobno-snim, u blizini varoši. — Upitati u administraciji pod znakom „Lijep stan 885.“ 36279.

Kafanu „Zlatno burence“ predajem od 1. maja sa povoljnim ustovima. Darinka Macin-ger. 36254-4.

Ruzno. Povećavanje slika od svakojakih fotografskih slika prima Photo Pick-Rüci, Beograd, Kralja Milana ulica 42. 36090-5. Preravljani i hojadilsem šešire. Najnoviji fazoni, jeftino. Johana Winterstein, Branškova ulica 4, u dvorištu, I. sprat. 36246.

Moj sin Pera Sekulić, pisar opštine Žarkovaca, oženio se bez odobrenja mogi odvojen od mene živi. Pošto je počeo živjeti i raditi samostalno i na svojoj ruku, to izvještavajući o ovome kako moje poznanke, tako i svakog u opšte, upozoravam ih, da za istog nikakva zaduženja neću priznati ni platiti, pošto sa istim nikakve veze nemam. Žarkovo, 11. aprila 1918. god. Naum Sekulić, 36316-5 kafedžija iz Žarkova.

KORESPONDENCIJA. Jovanu Premoviću, Zeneva. Molim vas izvjestite me, šta je sa mojim bratom Vojislavom J. Lazićem, p.poručnikom, — inžinjerskog odjelene. Dostavite, da sam ja njegov brat živ i zdrav i želim, da mi se javi kartom i preko „Beogradskih Novina“. A neka mi javi šta je sa Zdravkom, Stankom i Dobrovojem. — Šaljem majsrdčaniji pozdrav, Borislav J. Lazić, zarobljenik Alšo Koroppa, Pozsony megye. A 3013.

Moja kći Mileva odala je se hrdjavom i nemoralnom vladanju i mene ne sluša već ide po svijetu bez moga znanja i odobrenja. Pa pošto me moja kći Mileva neće da sluša i da se svojim naredbama pokorava, to ovim javljam svakome do snanja da niko ništa Milevi na moj račun ne daje, jer mu neću priznati niti ču za nju plaćati bolničke troškove i dugove. Milutin Jovičić iz Sutaca. A 3024-8.

Jovanu Premoviću, Geneva. Moj muž Zamfir Stojanović, obučar iz Kosovske Mitrovice, nalazi se sa srpskom vojskom a meni se nikako ne javlja. Sa čjelom sam porodicom u velikoj novčanoj oskudici, pa vas lijepo molim poradiće, da mi se pošalje novčana pomoć, za što vam unaprijed blagodaram. Danica žena Zamfira Stojanovića, obučara, Degrii Gasse 25, Mitrovica, Kosovo. A 3015-8.

Vasilije Stošić, iz Majdan Peka, pita za njegovog brata Milana D. Stošića, narednika prvoga puka, da li je živ i da se javi. Vasilije Stošić. 36290-8.

Jovanu Premoviću, Geneva. Učtivo molim, da me izvjestite, da li je zdrav i gdje se nalazi Miloš Gjorgjević, rodom iz Pi-rola, prijatelj trećega puka, koji se do danas nije nikako javio sve od odstupanja srpske vojske. Javite mi da za majku ništa ne brine. Ona je živa i zdrava. Unaprijed blagodari Na-dežda Radosavljević, Beograd, Mlačka ulica 5. 36238-8.

Jovanu Premoviću, da dostavi Ad — Lesa Jovanović, Lasse casse M. B. 3064, Geneva. Vabu sam kartu od 19. marta dobiti i mnogo vam blagodaram. 8. aprila bio sam kod g-dje Simke. Ona i majka su zdravo. Molim izvjestite Gjurgja Živkovića, broj 28, da smo mi kući svi zdravo; za nas nek ne brine. Tako isto i familije Aleksandra Dimitrijevića, Sime Milojevića, Petra Petrovića, Pante Ackovića, Mladena Ristića, Aleksa Milenkovića što je poslao novac, do-bila je Lenka. Dimitrije Živko-vić, Višnjica. 36281-8.

Oglasaite u „Beogradskim Novinama“

Merkantilne kandite (bonbone) u većoj količini, mogu se dobiti kod D. Reichsmann sin, Djakovo, Slavonija. 1189

„PEROCID“ najbolja zamjena plavom kamenu za negu vinograda dobiva se na manje i na više kod Avrama S. Koena i K. 36132 BEOGRAD, Saborna ul. 29.

Sa najvećim bolom u našim oja-djenim srcima, izvještavamo srodnike i prijatelje, da je naš dobi i nikad neza-boravljeni suprug, otac, tast i deda † Kosta Lovčanin učitelj iz Lovaca — Bagrdan naprasno preminuo 18. marta o. g. i sahranjen je 20. istog mjeseca u lov-čanskom groblju. Javljajući ovo srod-nicima i prijateljima, molimo ih za tiho saučešće. Bagrdan, 1. aprila 1918. Ožalošćena porodica: supruga Rosa, kćeri: Ljubica i Leposava, zetovi: Andra Jovanović trg. i Milja Jan-ković sr. ekonom, unučadi i ostala rodbina. 36259

Javljam srodnicima i prijateljima da ću svojoj miloj majci † Cveti N. Stojanović davati četrdeseto-dnevni pomen u ne-djelju 14. aprila u 10 1/2 sati na grobu, parcela 25, Novo groblje. Beograd, aprila 1918. Ožalošćena kći Leposava Jev. Te-šićka sa ostalom rodbinom. 36318

Izvjestavamo sve naše srodnike, prijatelje i poznanike, da je naš mili i nikad neprežaljani otac, stric, deda i pradeda † Zaharija Zaharić prota iz Kremana poslije kraćega bolovanja ispustio svoju plemenitu dušu 10. marta ove god. u 84. godini života svoga, a 67. godini bezprijekorne svešteničke službe, i sahranjen u Kremanskom groblju 12. marta uz saučešće mnogobrojne svoje familije, prijatelja i poznanika. Smatramo za svoju dužnost da ovim putem izjavimo najveću zahvalnost gospodi: Jovanu Guzini, svešteniku, Jevremu Tucoviću svešteniku iz Užica, Milivoju Obradoviću svešteniku iz Mačkata, Dragomiru Smiljaniću svešteniku iz Ravni, Antoniju Bakiću svešteniku iz Moke gore i Dobrovoju Stranjakoviću svešteniku iz Stapara, koji iz počasti činodestvovavaše pri sahrani dragog nam pokojnika. Naročito zahvalnost dugujemo g. svešteniku Smiljaniću, koji se je sa pokojnikom oprosto na grobu sa vrlo dirljivim govorom izneviš sve vrline pokojnikove kao dugogodišnjeg uzoritog sveštenika. U isto doba osobito zahvaljujemo i građanima grada Užica g. g. Strahinji Gj. Popoviću advokatu; Dobrosavu Jevremoviću trgovcu i Jeremiji Piljevićakušću penzioneru, kao i građanstvu opštine Kremanske, Bioštanske i Šilvovačke, koji na glas o smrti milog nam pokojnika pohitase te svojim prisustvom sproved uveličaše i time nam tugu ublažiše. Kreman, aprila 1918. Ožalošćeni: sinovac Radovan; sveštenik, kćeri: Ruža i Draga; unuci: Gjorđe sveštenik, Če-domir učitelj i rezervni pješadijski kapetan i Mihailo gimnazist; snahne, Mica, Jelena i Zorka; sinovice: Andja i Kata; zetovi: Dimitrije Karić i Vasilije Popović sveštenik; unuke: Ljubica, Jelisaveta, Caja, Mitra, Branka i Anka; prauunci: Anka, Zaharija, Stjepan, Jelica, Radmila, Ilja i Olga; sestrić Pavle Vujčić i ostala mnogobrojna rodbina. 1162

Prodaje se namještanje, za spavaću sobu. Uplatiti od 2—3 poslji podne g-dju Marković, Bogojavljen-ska 7, parter. 36308-2

Ku prodaju kredenc i stolice za trpezariju, bijeli ormani i drugo. Može se vidjeti prije podne Dobračina 26, a za cijenu upitati Kosmajška 2, gornji sprat. 36302-2

Perzijske čilime upotrebijene ili neupotrebijene tko ima da proda, neka se javi u radnji Braće Pinkasa Stein, Kralja Milana ulica broj 61. 36273-2

Kupio bliu ojelel namještanje za sobu za rad (Herren-zimmer). — Uplatiti u administraciji lista pod znakom „Očuvan 884.“ 36276-2

Ku prodaju jedan veliki pirotski čilim. Uplatiti Gimnazijska ul. 22. 36238

Ku prodaju ispravan mlina, pod vrlo povoljnim uslovima. Za dalja obavještenja obratiti se gospodi Cirikovički, Resavska ulica 19, Beograd. — 36237

Kuća na prodaju. Prodaje se novo osidana kuća od tvrdog materijala, na lijepom mjestu u živoj ulici, ima 2 odjele-ta sa po 5 soba, ima duga u Upravni Fondova oko 32.000 K Ozbiljni kupci neka se jave u administraciji ovoga lista, ulica „Kuća 893.“ 36318-2

Milica T. Lazaridisa, sa kćerima i sinovima, izvještava svoje srodnike i prijatelje, da će svojoj dragoj kćeri i sestri † Kleopatri T. Lazaridisa davati godišnji pomen u Sabornoj crkvi, u utora-k 16. t. mj. u 10 i po sati prije podne. Beograd, 12. aprila 1918. Car Uroša ulica 24. 36286

Sa tužnim srcem i bolom u duši izvještavamo srodnike, prijatelje i poznanike, da je naš dragi, dobi, mili i jedini: brat, djever, stric, sinovac, bratić i surak † Dragutin S. Nešković predsjednik požarevačkog prvostepentog suda prije dva mjeseca, u 60 godini, umro daleko u tudinj, u Nici u Francuskoj, gdje je i sahranjen, ostavivši nas da do vijeka za njim tugujemo. Paianka. 5. aprila 1918., Vel. Krsna pošta. Ožalošćeni: brat Milan, sekretar kasacionog suda; snaja Mileva; si-novci i sinovice: Bosiljka, Radmila, Radomir, Draga, Svetozar, Nikola, Dragutin, Zoran i Vojislav; stric Lazar, upravnik beogradske carinar. u penziji; strina Kata; braća i sestre od strica: Desanka, Zora, Spasoje, Dragoslav i Dobrila; teča Nikodije Stevanović, učitelj u penziji; tetka Ljubica; sestra od tetke Danica; zet Miladin Ševarić, profesor; sestričina Vasilija; sestrić Branislav; sestra od ujaka Danika Berićeva, učiteljica i ostala rodbina. 36291

Izvjestavamo naše rođake, prijatelje i poznanike, da će mo našoj dobroj uzoritij i nikad nezaboravljenoj supruzi, njeznoj majci, sestri, snaji i t. d. † Ružici Gj. Rakić davati godišnji pomen u nedjelju 14. ov. mj. u 10 1/2 sati prije podne na njenom grobu (par-cela 73), na Novom groblju. Beograd, aprila 1918. Do groba ožalošćeni: suprug Gjoka J. Rakić, viši bankarski činovnik, sinovi: Ivan, Boško i Miodrag, svekrva Anka, sestra Vidosava P. Novaković, sestrić Pavle i ostala rodbina. 36311

Izvjestavamo sve naše srodnike, prijatelje i poznanike, da je naš mili i nikad neprežaljani otac, stric, deda i pradeda † Zaharija Zaharić prota iz Kremana poslije kraćega bolovanja ispustio svoju plemenitu dušu 10. marta ove god. u 84. godini života svoga, a 67. godini bezprijekorne svešteničke službe, i sahranjen u Kremanskom groblju 12. marta uz saučešće mnogobrojne svoje familije, prijatelja i poznanika. Smatramo za svoju dužnost da ovim putem izjavimo najveću zahvalnost gospodi: Jovanu Guzini, svešteniku, Jevremu Tucoviću svešteniku iz Užica, Milivoju Obradoviću svešteniku iz Mačkata, Dragomiru Smiljaniću svešteniku iz Ravni, Antoniju Bakiću svešteniku iz Moke gore i Dobrovoju Stranjakoviću svešteniku iz Stapara, koji iz počasti činodestvovavaše pri sahrani dragog nam pokojnika. Naročito zahvalnost dugujemo g. svešteniku Smiljaniću, koji se je sa pokojnikom oprosto na grobu sa vrlo dirljivim govorom izneviš sve vrline pokojnikove kao dugogodišnjeg uzoritog sveštenika. U isto doba osobito zahvaljujemo i građanima grada Užica g. g. Strahinji Gj. Popoviću advokatu; Dobrosavu Jevremoviću trgovcu i Jeremiji Piljevićakušću penzioneru, kao i građanstvu opštine Kremanske, Bioštanske i Šilvovačke, koji na glas o smrti milog nam pokojnika pohitase te svojim prisustvom sproved uveličaše i time nam tugu ublažiše. Kreman, aprila 1918. Ožalošćeni: sinovac Radovan; sveštenik, kćeri: Ruža i Draga; unuci: Gjorđe sveštenik, Če-domir učitelj i rezervni pješadijski kapetan i Mihailo gimnazist; snahne, Mica, Jelena i Zorka; sinovice: Andja i Kata; zetovi: Dimitrije Karić i Vasilije Popović sveštenik; unuke: Ljubica, Jelisaveta, Caja, Mitra, Branka i Anka; prauunci: Anka, Zaharija, Stjepan, Jelica, Radmila, Ilja i Olga; sestrić Pavle Vujčić i ostala mnogobrojna rodbina. 1162